



KEMENTERIAN PERDAGANGAN DALAM NEGERI
DAN HAL EHWAL PENGGUNA

KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

15 JUN 2021 (SELASA)



KEMENTERIAN PERDAGANGAN DALAM NEGERI
DAN HAL EHWAL PENGGUNA

KERATAN AKHBAR DAN MEDIA ONLINE (KPDNHEP)

15 JUN 2021 (SELASA)

Taktik licik tauke emas

Manipulasi
alat timbang,
ketulenan
barang
kemas untuk
kaut untung
berganda



ANGGOTA penguat kuasa KPDNHEP menguji standard ketulenan emas menggunakan peralatan khas ketika melakukan pemeriksaan di sebuah premis menjual barang kemas di Lembah Klang baru-baru ini.

TAUKE kedai emas dan peniaga runcit dikesan paling ramai menggunakan alat timbang yang tidak ditentusahkan bagi tujuan memperdaya pelanggan sekali gus mengaut keuntungan berlipat kali ganda.

Lebih membimbangkan, pihak berkuasa mendapati ada segelintir tauke kedai emas yang turut melakukan kesalahan dagangan palsu berhubung standard ketulenan emas yang dijual kepada pelanggan.

Dalam tempoh empat bulan tahun ini, pihak berkuasa telah mengambil 1,704 tindakan membabitkan rampasan bernilai RM1.6 juta ke atas alat timbang jenis neraca spring dan elektronik di seluruh negara.

» BERITA PENUH DI MUKA 2

Pemilik kedai emas dikesan memanipulasi alat timbang untuk kaut untung

Tauke tipu pelanggan depan mata

Oleh NOR IDAYU BOSRO

PUTRAJAYA – Penipuan membabitkan alat timbang bertujuan untuk memperdaya pengguna bukan hanya dilakukan oleh peniaga-peniaga di kedai runcit, malah modus operandi itu turut digunakan oleh tauke kedai emas.

Lebih membimbangkan, perbuatan dan taktik licik menggunakan barang kemas yang menggunakan alat timbang tidak ditentusahkan ini dilakukan di depan pelanggan mereka sendiri.

Mendedahkan perkara itu, Pengarah Bahagian Penguat Kuasa Kementerian Perdagangan Dalam Negeri dan Hal Ehwal Pengguna (KPDNHEP), Azman Adam berkata, kesalahan itu terbongkar apabila kebanyakan kes yang diambil tindakan setakat ini adalah melibatkan urusan jual beli di premis perniagaan dan bukannya melalui kaedah transaksi secara dalam talian.

Katanya, selain menipu pelanggan menggunakan alat timbang yang tidak ditentusahkan, tauke-tauke ini turut melakukan kesalahan dagangan palsu berhubung standard ketulenan emas.

"Antara punca yang menyebabkan pengguna tertipu ialah mereka mudah terpedaya dengan tawaran harga yang lebih murah berbanding nilai pasaran semasa.

"Bila ada tawaran sedemikian, pengguna akan terburu-buru membeli dan tidak membuat penilaian sewajarnya termasuklah mendapatkan maklumat lengkap



PENGUAT KUASA KPDNHEP melakukan pemeriksaan berkaitan standard ketulenan emas di sebuah premis di Lembah Klang baru-baru ini.

berkaitan produk yang ditawarkan," katanya kepada *Kosmo!* baru-baru ini.

Tambahnya, KPDNHEP telah melatih anggotanya untuk mengenal ketulenan emas bagi memastikan penguatkuasaan dan pemantauan dapat dilaksanakan dengan lancar.

Menurut Azman, pihaknya juga telah memiliki dua unit alat menguji ketulenan logam berharga iaitu radas sinaran sinar-X dan alat XRF (X-Ray Fluorescence).

"Alat XRF mampu membuat bacaan kandungan dan komposisi untuk lebih 100 jenis unsur logam seperti emas, perak, gangsa dan lain-lainnya. Alat ini menggunakan kaedah pengujian tanpa musnah.



AZMAN

"Bagaimanapun, ia hanya untuk prapengujian dan untuk ujian tepat, masih perlu dilakukan di Jabatan Mineral dan Geosains Malaysia," katanya.

Ujar Azman, sejak Januari



STANDARD ketulenan emas yang diuji KPDNHEP adalah menggunakan alatan khas dikenali X-Ray Fluorescence.

2019 hingga Mei lalu, pihaknya telah membuka sebanyak 59 ketulenan selain mengeluarkan kompaun bernilai RM7,200 kepada syarikat-syarikat yang terlibat.

Menurut beliau, sebanyak 20 kertas siasatan dibuka pada 2019 dan 27 lagi kertas siasatan pada tahun lalu, iaitu peningkatan sebanyak tujuh kes.

"Sehingga Mei lalu, terdapat 12 kertas siasatan dibuka ke atas premis-premis menjual emas yang melibatkan kesalahan di bawah Akta Perihal Dagangan 2011 dan Akta Timbang dan Sukat 1972," katanya.

Sehubungan itu, Azman mengingatkan pengguna supaya lebih peka dan berhati-hati dengan

tawaran harga murah emas selain sentiasa membuat penyelidikan dan melihat testimoni pelanggan sebelum membuat pembelian.

Katanya, pelanggan yang membeli secara dalam talian pula digalakkan menggunakan kaedah *cash-on-delivery* atau COD dan memastikan peniaga mengeluarkan resit pembelian yang mengandungi maklumat lengkap.

"Maklumat peniaga mestilah meliputi nama dan alamat pembekal, tarikh pembelian, nama dan jenis artikel, standard ketulenan artikel, harga logam berharga bagi setiap satu gram, berat artikel, harga artikel, kos pembuatan (jika ada) serta tarikh datangan jurujual," jelasnya.

Alat timbang perlu diperiksa setiap 12 bulan

PUTRAJAYA - Kementerian Perdagangan Dalam Negeri dan Hal Ehwal Pengguna (KPDNHEP) mendedahkan, masih ramai peniaga tamak dan tidak jujur ketika menjalankan perniagaan dengan menggunakan alat timbang tidak sah.

Pengarah Bahagian Penguat Kuasanya, Azman Adam berkata, ada peniaga bersikap sambil lewa dan tidak bertanggungjawab untuk memastikan alat timbang ditentusahkan atau ditentusahkan semula oleh syarikat dilesenkan oleh kementerian.

"Dalam tempoh empat bulan pertama tahun ini, sebanyak 1,704 tindakan kes melibatkan nilai rampasan keseluruhan berjumlah RM1,626,264 dibuat di seluruh negara membabitkan alat timbang jisim terutamanya neraca spring dan alat timbang elektronik."

"Ekoran itu, kita telah mengeluarkan kompaun berjumlah RM498,996 kepada peniaga teribat," katanya.

Tambahnya, penipuan berlaku kerana alat sukat dan timbang melibatkan neraca spring

dan elektronik paling banyak dijual di pasaran dan digunakan secara meluas di pasar, kedai runcit dan pasar raya.

Menurut Azman, alat timbang perlu ditentusahkan semula setiap 12 bulan bagi memastikan ketepatan timbangan dan sukat.

"Setiap tahun, sebanyak 440,000 alat timbang dan sukat diperiksa oleh dua buah syarikat yang dilesenkan oleh pihak kementerian iaitu Metrology Corporation Malaysia Sdn. Bhd. dan De Metrology Sdn. Bhd.," katanya.

Ujar Azman, secara purata sebanyak 2,000 kes setahun direkodkan iaitu kurang satu peratus daripada jumlah alat timbang yang digunakan di pasaran.

"Ini menunjukkan 99 peratus peniaga mengetahui dan sedar mengenai hal ini. Peniaga diingatkan supaya bersikap matang, amanah, jujur dan beretika supaya tidak menindas pengguna untuk mendapatkan untung berganda," katanya.



CONTOH alat timbang elektronik yang digunakan. - GAMBAR HIASAN

Penyeludup beli barang terus daripada pemborong

Minyak masak, tepung dikumpul di stor khas sebelum dibawa ke Thailand

Oleh Siti Rohana Iqbal
bhnews@bh.com.my



Tumpat: Sindiket penyeludupan dikesan membuat pembelian terus minyak masak dan tepung gandum daripada pemborong dan mengumpulkan barangan kawalan berkenaan di stor di tepi Sungai Golok sebelum di seludup masuk ke Thailand menggunakan bot gajah.

Taktik penyeludup itu bagaimanapun dapat dikesan penguatkuasa Kementerian Perdagangan Dalam Negeri dan Hal Ehwal Pengguna (KPDNHEP) dan operasi dijalankan petang kelmarin.

Dalam operasi itu, KPDNHEP merampas 1,003 kilogram (kg) minyak masak dan 200kg tepung gandum yang ditemui dalam dua kenderaan yang ditahan di Kampong Bunohan, di sini.

Ketua Pegawai Penguatkuasa KPDNHEP Kelantan, Azanizam Affendi Juri, berkata pihaknya dibantu anggota Agensi Kawa-

Anggota KPDNHEP bersama AKSEM menunjukkan minyak masak dan tepung gandum yang dirampas dalam dua kereta disyaki untuk diseludup ke Thailand di Kampong Bunohan, Tumpat, kelmarin. (Foto ihsan KPDNHEP)

lan Sempadan (AKSEM) mengesahkan dua kenderaan jenis Perodua Viva serta Proton Saga selepas kenderaan berkenaan ditahan di sebuah sekatan jalan raya (SJR), di sini.

"Kedua-dua pemandu menyeludup dari mereka diekori dan menghentikan kenderaan sebelum melarikan diri dengan meninggalkan kenderaan di bahu jalan di Kampong Bunohan. Pemeriksaan dalam dua kenderaan mendapati ia dipenuhi sejumlah kotak yang mengandungi minyak masak serta tepung gandum yang dipercayai untuk diseludup ke negara jiran.

"Hasil siasatan awal, kami percaya mereka membuat belian

secara persendirian dengan mendapatkan bekalan daripada pemborong sekitar seterusnya menjadikan stor di Sempadan negara di laluan sungai sebagai tempat simpanan sementara sebelum barangan itu diseludup ke negara jiran," katanya dalam kenyataan, semalam.

Keseluruhan rampasan dianggarkan bernilai RM2,777.50 dan kes disiasat mengikut Akta Kawalan Bekalan 1961.

Azanizam berkata, penyeludup berani mengambil risiko menjalankan kegiatan itu kerana permintaan yang menggalakkan dari negara jiran.

Justeru, katanya, pihaknya bersama agensi penguatkuasaan

sempadan yang berkaitan sentiasa bekerjasama dari semasa ke semasa dalam usaha mengesahkan aktiviti penyeludupan barangan kawalan ke negara jiran.

"Kami memberi amaran dan akan mengambil tindakan tegas tanpa kompromi terhadap sesiapa sahaja yang melakukan penyelewengan terutama berhubung barangan kawalan.

"Kerjasama bersama agensi penguatkuasaan sempadan sentiasa dijalankan dari semasa ke semasa bagi memastikan barangan kawalan yang diseludup ke negara jiran dapat dibanteras serta memastikan pengguna dapat menikmati subsidi yang dibekalkan kerajaan," katanya.

Gagal seludup 1.2 tan minyak masak, gandum



Minyak masak paket dan tepung gandum yang berjaya dirampas.

TUMPAT - Kementerian Perdagangan Dalam Negeri dan Hal Ehwal Pengguna (KPD-NHEP) Kelantan berjaya mematahkan cubaan penyeludupan 1.2 tan minyak masak dan gandum bernilai RM2,777 di Kampung Bunohan di sini pada petang Ahad.

Serbuan dilakukan menerusi operasi bersepadu bersama Agensi Kawalan Sempadan Malaysia (Aksem) Kelantan pada jam 6 petang.

Ketua Pegawai Penguatkuasa KPDNHEP Kelantan, Azanizam Affendi Juri berkata, ketika rondaan pasukan berkenaan mengekori dua kenderaan jenis Perodua Viva dan Proton Saga yang mencurigakan.

"Suspek yang menyedari situasi itu terus melarikan diri dan meninggalkan kenderaan

di bahu jalan di Kampung Bunohan.

"Pemeriksaan menjumpai barangan kawalan iaitu minyak masak bersubsidi paket sekilogram dengan kuantiti 1,003 kilogram (kg) bernilai RM2,507.50 dan tepung gandum 200 kg bernilai RM270," katanya dalam satu kenyataan pada Isnin.

Beliau berkata, siasatan awal dipercayai suspek dalam cubaan membawa bekalan barang kawalan berkenaan ke sempadan negara untuk diseludup ke negara jiran.

"Modus operandi digunakan suspek ialah membuat belian daripada pemborong sekitar Tumpat dan menyimpannya di lokasi strategik di laluan sungai sempadan negara sebelum memasuki negara jiran," katanya.

Pemborong jual bekalan pada penyeludup

Tumpat: Sindiket penyeludupan semakin licik apabila dikesan mendapatkan bekalan minyak masak dan tepung gandum secara terus daripada pemborong sebelum mengumpulkan barang kawalan itu di stor tertentu untuk diseludup ke Thailand menggunakan bot.

Taktik penyeludup itu berjaya dipatahkan Kementerian Perdagangan Dalam Negeri dan Hal Ehwal Pengguna (KPDNHEP) dalam satu operasi dijalankan petang kelmarin.

Dalam operasi berkenaan 1,003 kilogram (kg) minyak masak dan 200kg tepung gandum ditemui dalam dua kenderaan yang ditahan di Kampung Bunohan di sini.

Ketua Pegawai Penguat Kuasa KPDNHEP Negeri Kelantan, Azanizam Affendi Juri berkata, pihaknya dibantu anggota Agensi Kawalan



Pemeriksaan dalam dua kenderaan mendapati ia dipenuhi kotak mengandungi minyak masak serta tepung gandum dipercayai untuk diseludup ke negara jiran

Azanizam Affendi Juri

lan Sempadan (Aksem) mengekori dua kenderaan jenis Perodua Viva serta Proton Saga selepas kenderaan itu ditahan di sekatan jalan raya (SJR) di sini.

"Kedua pemandu menyedari mereka diekori dan memberhentikan kenderaan sebelum bertindak melarikan diri meninggalkan kenderaan di bahu jalan di

Kampung Bunohan.

"Pemeriksaan dalam dua kenderaan mendapati ia dipenuhi kotak mengandungi minyak masak serta tepung gandum dipercayai untuk diseludup ke negara jiran.

"Hasil siasatan awal, kami percaya mereka membuat belian secara persendirian dengan mendapatkan bekalan dari pemborong seterusnya menjadikan stor di sempadan negara berhampiran laluan sungai sebagai tempat simpanan sementara sebelum barangan diseludup ke negara jiran," katanya.

Keseluruhan rampasan dianggarkan bernilai RM2,777.50 dan kes disiasat di bawah Akta Kawalan Bekalan 1961.

Azanizam berkata, penyeludup berani mengam-
bil risiko menjalankan kegiatan itu kerana permin-

taan menggalakkan dari negara jiran.

Justeru itu, pihaknya bersama agensi penguatkuasaan sempadan yang berkaitan sentiasa bekerjasama dari semasa ke semasa mengekang aktiviti penyeludupan barang kawalan ke negara jiran.

"Kami memberi amaran dan mengambil tindakan tegas tanpa kompromi terhadap sesiapa sahaja yang melakukan penyelewengan terutamanya berhubung barang kawalan.

"Kerjasama bersama agensi penguatkuasaan sempadan sentiasa dijalankan dari semasa ke semasa bagi memastikan barang kawalan diseludup ke negara jiran dapat dibanteras serta memastikan pengguna dapat menikmati subsidi dibekalkan kerajaan," katanya.

Panic buying in Labuan ahead of lockdown

By MUGUNTAN VANAR
and STEPHANIE LEE
newsdesk@thestar.com.my

LABUAN: Long queues outside supermarkets continue to be seen in this international offshore financial centre as parts of the island goes into lockdown from midnight today.

"People were standing in queues from 6am, three hours ahead of our opening time. I've never ever seen it in Labuan before," said Jerry Teoh, who helps operate his family-owned Hap Huat Superstore.

"People are panic buying essentials. It has been chaotic for the last two days. Many of them are buying more than what they need. Sometimes we try to control it," he said when contacted.

The panic buying started after it was announced that eight localities, including parts of Labuan town, will



Going, going, gone:

Goods are fast disappearing from the shelves of a supermarket as people panic buy in Labuan.
— Bernama

distributors are currently having manpower shortage as their workers are under Covid-19 quarantine," he said.

Furthermore, Teoh said due to the high incidences of Covid-19 cases that included the fast-spreading Delta variant, many lorry drivers from mainland Sabah were reluctant to come to the island not only out of fear but also the cost for the mandatory Covid-19 test to enter the island.

Some wholesalers on the island have suspended operations due to the Covid-19 situation while some consumers are claiming that prices of goods have gone up.

Domestic Trade and Consumer Affairs Ministry Labuan Unit officials acknowledged that there was a shortage of cooking oil and the matter would be addressed in stages in this week as supplies were already with distributors.

markets selling sundry goods would be able to sustain for at least a week with their current stock.

After that, the situation will depend on whether importers and distributors are able to deliver the goods.

"We are highly dependent" on goods arriving from Sabah and imports from Port Klang but many

be under lockdown for two weeks from tomorrow to June 28.

Teoh said many customers were buying excessive amounts of rice, sugar and cooking oil, among other essentials.

On the store's online platform, certain customers are raking up bills as high as RM1500.

Teoh said the island's major super-

Perlu ada mekanisme kawal harga minyak masak

Nota Di Sebalik Tabir

Bersama MERAJ JALANAN

KETIKA rakyat terus dicengkam ketakutan mengenai penularan pandemik Covid-19 yang entah bila akan berakhir, tiba-tiba muncul satu lagi masalah yang seperti mahu menguji kesabaran kita. Minyak masak naik harga lagi. Itu-lah menjadi rungutan dan rintihan pengguna sejak seminggu lalu.

Mengikut laporan, harga minyak masak bagi lima kilogram (kg) telah naik antara RM3-RM5 menjadikan ia kini dijual antara RM29-RM32 mengikut kawasan tertentu.

Walaupun tidak berlaku pembelian panik secara serius di seluruh negara, namun para-pengguna menyedari kenaikan harga berkenaan dan telahpun mula membeli untuk menyimpan secara kecil-kecilan.

Apakah langkah kerajaan seterusnya membendung kenaikan minyak masak? Apakah membiarkan peniaga menaikkan harga dengan sewenang-wenangnya?

Kerajaan sepatutnya menetapkan dasar dan mekanisme yang berkesan

bagi mengawal harga minyak masak di negara ini.

Rakyat sebagai pengguna tidak boleh terus dibebankan dengan pengilang dan pemborong yang menaikkan harga barang keperluan itu dengan sewenang-wenangnya.

Kita seperti sudah terpedaya kerana setiap kali berlaku kenaikan, ia memberi peluang kepada sektor lain menaikkan harga barangan mereka.

Minyak masak naik RM0.20 1kg, nasi goreng yang dijualnya pun naik

RM0.20 sepinggan. Banyak mana minyak masak yang diguna untuk siapkan satu pinggan nasi goreng? Apakah itu kalau bukan cekik darah namanya?

Kita tidak mahu kenaikan harga minyak masak itu menyebabkan rakyat terus beremosi dan menyalahkan kerajaan tidak buat kerja. Sejak dicanam Covid-19, rakyat cukup marah kerajaan yang gagal memerangi secara berkesan. Isu harga minyak masak pun perlu diselesaikan dengan segera.

HARI :

SELASA

TARIKH :

15/06/2021

M/SURAT :

14

		Senarai Harga Barang Keperluan	
• Ayam	RM6.49	• Telur Gred A	RM9.20
• Daging Lembu Tempatan	RM34	• Ikan Kembung	RM8.00
• Daging Lembu Import	RM19.99	• Minyak Masak	RM6.85
• Gula Pasir	RM2.80	• Cili Merah	RM6.90
• Bawang Besar Holland	RM2.80	• Kubis Bulat Tempatan	RM1.99
• Bawang Putih	RM5.90	• Tepung Gandum	RM2.30
*Harga (RM/kg) Sumber: KPDNHEP			